

Magtubu to tumô to Ja li Kwôlo kôl kwôli magtubu to tumô to Ja li hen

Magtubu to subu to Ja lij hen na, gawrê kôl kêm wo ré na *ôbi jé Ja a ré lê hen bi wo hini uwôgij̄n têê pôn nêṅ iyôṅ bô ré hen, men, gawrê ka ôbi li magtubu hende to hen biji hen kôba, hiniji uwôgij̄n né a men. Gaṅ wori ba, gel na wo magtubu hende to hen ré lij̄n bij̄n na bay ayê bôô. Bay ayê bôô bay ka hen na, toy kwôlê kwône gengij̄n geré lê kwôlo Emen wo gay gay hen wo a ôrij̄n naṅ ci kelan̄ naṅ ayê bôô woj̄n tiri hen. Na ôbi á, ôbi lê magtubu hende to hen ré genge anṅaṅ lê kirij̄n wôô bô magtubu hende to hen a.

Ka tumô ba, na dôbêji ibiyare bôrji a bi bay ré bij̄n bij̄pare toṅ tiri naṅ Emen men, naṅ Kemari Jêsu Krist a men, a yé hen iyôṅ naṅ geré woj̄n peré yi tô yêniṅpare a.

Ka wôôyi ba, na kaṅê anṅaṅ gelé kaṅ benare ka jôô bê bôô pôn sa Kwôlo Dôri a hen.

Sapitre 1: 1-4 na, kôl wô mi a ôbi lê magtubu hende to hen ré lere hen ba? Ermé wori bi a na: nôgê tô bij̄pare to bay ayê bôô naṅ Emen men, naṅ Jêsu Krist men, bij̄pare to perêrji a a men. Hen iyôṅ na, bay a ðebé tô geré wo ka na gel Jêsu men, na toy kwôlê wori hen a men na gelji hen.

Ôbi lê magtubu hende to hen kôlij̄n gawrê bay ka hen ré mô kirij̄n ka perañgi a wôsa Emen na kirij̄n ka perañgi. Iyôṅ ba, tôô to kôl kwôli peré

hen a bay ré bi kwôlê sara (1: 5 - 2: 17). Cêgeri wori menba, ôbi kôlji kwôli sa wo ôbi bayi Krist wo dami hen men, bay benare ka kôl Jêsu ré na *Krist, kwo Emen dôri hen né men (2: 18-29). Men, ôbi kôl kwôli anɔa gel wo kwôni ré na kema Emen woɔ tiri hen, men jé lêri na kwôɔ derôre men, peré wo bay periɔ yiri hen men, bôô pôn woji sa Jêsu Krist a a men (3: 1-24). Kirija ôbi gelji derê tu kwôlê woɔ benare naɔ tu kwôlê (4: 1-6) niɔ na, ôbi lê magtubu hende to hen hô hera têê pôn a sôɔ gengiɔ sa kwôli peré aɔ ôbi kôl iyôɔ ba yé gawra wo Emen na, na peré kirij wôsa Emen na kwôni wo pur kirij (4: 7-21). Ôbi kôl kwôli ayê bôô wo ay joor hen men, mawi kwôlê wo yi bô magtubu a hen a men aɔ diriɔ kibi magtubu tori (5: 1-21.)

Bô magtubu hende to hen na, gel na ayê bôô woɔ tiri hen men, li naɔ ermé wo bay ayê bôô bi bay ré dô yirji aɔ yi kwôlê woɔ benare wo wuu kirij hen men, dôbji ibiyare bôri a bi bay ré day bê bôô sa Jêsu Krist a naɔ peré yênem.

Kwôlê wo bi merê tu geɔ

¹ Kwôni wo nini li magtubu béɔge kelêɔge kwôli hen na, tumô wo tô terare na diɔ né tô kôba, ôbi na ya niɔ. Kwôni bi wo hen na, nini toy kwôli kelêri men, nini geli naɔ tirni men, nini kôbri men, nini hebiri naɔ kôbrini a men. Ôbi bi a na kwôlo biɔ gawré merê tu geɔ hen. ² Na ôbi á, kirija Emen né yêge sa kwo bi merê wo naɔ kwini bi wo hen niɔ na, nini gili aɔ na ôbi a, niné kelêɔge kwôli hen. Merê tu geɔ bi wo

nini kelênge kwôli hen na, na yi ya naɲ kwini. Tumô ba, ôbi nà ná naɲ Ibarna Emen derômaran a niɲba, haw hen Emen gelénari nô niɲ. ³ Na are bay ka nini gel naɲ tirni men, nini toy naɲ marni a men hen aɲa niné kelênge kwôliɲi men hen. Nini kelênge hen iyôɲ bi kenbay kôba, kené biɲ pôn naɲ nini mega wo nibay nini biɲ pôn naɲ Ibarna Emen men, naɲ Kemari Jésu Krist men hen iyôɲ. ⁴ Na ôbi á, niné li magtubu hende to hen béngge kelênge kwôli are bay ka hen aɲ bi yirni ré derêni cerêd.

Erênge kirij ka perangi a dī

⁵ Emen na kirij ka perangi dība, kirij ka hendi naɲ yiri a. Aɲ na kwôli perangê wori bi wo hen aɲa Kemari Jésu Krist naɲ yiri ré kelêni kwôli aɲa niné kelênge men hen. ⁶ A hena nana kôl nabay naɲ Emen nana biɲge pôn aɲa nana mô bô dilemne a kwôy kwôy na, gel wo nana na bay benare men, jé lêrena ré na kwon benare men, tu kwôlê naɲ bô a men. ⁷ Niɲba, hena nana ô kirij ka perangi a mega wo Emen môriɲ kirij ka perangi a hen iyôɲ na, nana biɲ pôn perêrna men, kwôbri Kemari Jésu pul têriɲ tona aɲ, aɲ bi nana yiɲ ka séli a men.

⁸ Hena nana kôl nana li têriɲ ré ba, nana kôl na kwôlê won benare men, nana lam na yerna wona gan a men, dība, kwôlê won tiri wo Emen naɲ yerna. ⁹ Niɲba, hena nana kôl ta wan nana na bay lê têriɲ ba, Emen a dé bôri jalê sa têriɲ lêrena hende to hen a. Men, ôbi a derê têriɲ tona aɲ naa yiɲ ka séli wôsa Emen na kwôni won derôre men, ôbi na ôbi bô pôn a men. ¹⁰ A

hena nana kôl nana li têriŋ ré ba, gel wo nana kôl Emen ré na ôbi benare men, kwôli kôba, ré naŋ bôrna a men.

2

¹ Kamnen kapê, en li magtubu hende to hen béŋge kôliŋge kwôli are bay ka hen aŋ bi kené li têriŋ ré niŋ. A hena kwôni ré li têriŋ kôba, ken hôn wo ôbi jeré kwôlê sarna ré mô kwa Ibarna Emen a ya. Ôbi a na Jésu Krist woŋ ôbi lê aŋgaŋ derôre hen. ² Na ôbi a ma mega aŋgaŋ bê kwôbe iyôŋ aŋ bi Emen né dŋi bôri jal sa têriŋ tona a. Emen dŋi bôri jal na sa têriŋ tona nabay a mera ré, niŋba, ôbi dŋi bôri jal sa têriŋ to biŋé ka sa terare a nà kêm a men.

Béŋge kwôlê sa tôô Emen toŋ periŋ yi hen

³ Hena nana bi kwôlê sa tôô to Emen a ba, a gelé wo nana hônni dô hen. ⁴ A hena kwôni ré kôl iyôŋ ba: «En hôn Emen» aŋa ré bi kwôlê sa tôô tori a ré na, ôbi kôl na kwôlê woŋ benare dŋiba, kwôlê woŋ tiri naŋ yiri a. ⁵ Niŋba, kwôni wo bi kwôlê sa kwôlo Emen a na, peré wo ôbi pur Emen hen, na tiri kwôy. Hen iyôŋ na, ôbi a geléna wo nana biŋ pôn naŋ dŋi. ⁶ A hena kwôni ré kôl dŋiré biŋ naŋ Emen ba, bi jé lêri yi môŋ kwo Jésu hen iyôŋ men dem.

⁷ Milpên kapê, na tôô tôni to kôrbi a ené li magtubu béŋge kwôle hen né, niŋba, na tôô hende to bay na keléŋge kwôle ca tumô niŋ hen. Tôô hende to cay hen na, na kwôlo na ken toy niŋ hen. ⁸ Hen iyôŋ hari kôba, yi mega wo ré na tôô to kôrbi a ené li béŋge hen iyôŋ, wôsa jé lê Jésu

Krist geléna mega wo tôô hende to hen ré na top tiri men, jé lêrenge kôba, gel hen iyôn̄ a men. Nana hôn wo ré na tiri wôsa kirij̄ ka hendi ca napê nij̄, aṅ na kirij̄ ka perañgi kaṅ tiri a gasê perañgê.

⁹ A hena kwôni ré kôl dīré mô na kirij̄ ka perañgi a aṅa, ré dô yêni ba, ken hôn wo ôbi ré baa na bô kirij̄ kaṅ dilemne a. ¹⁰ A hena kwôni ré pur yêni na, ôbi mô na kirij̄ ka perañgi a aṅ ani kani ka a lê aṅ ôbi a lê têrij̄ ba, nap̄. ¹¹ Nij̄ba, kwôni wo kaṅ yêni ba, ôbi mô na bô dilemne a baa ya baa ya men, are kêm ka ôbi li ba, li na bô dilemne a men, ôbi hôn kirij̄ ka ôbi ôrij̄ ya hen né a men, wôsa ôbi gel kirij̄ né sa kibi dilemne to ti tiri hen.

Déjge turjge sa aṅga sa terare a nà ré

¹² Kamnen, en li magtubu hende to hen béjge wôsa Emen dī bôri jal̄ sa têrij̄ tonjge a nij̄ wô kibi hini Jésu Krist. ¹³ Kenbay ka surjê, en li magtubu hende to hen béjge, wôsa ken hôn kwôni bi wo na mô ya ca tumô dema tô terare na ré dīj̄ tô hen men. Kenbay kaṅ kam manê kôba, en li magtubu hende to hen béjge men wôsa ken gôlij̄ sa ôbi lê habré nij̄.

¹⁴ Kamnen, na en li magtubu hende to hen béjge wô henê wo ken hôn Ibarna Emen hen. Kenbay ka surjê en li magtubu béjge wôsa ken hôn kwo na mô ya ca tumô dema tô terare na ré dīj̄ tô hen men. Kenbay kaṅ manê en li béjge, wôsa ken dēbe geraṅ men, kwôlo Emen yi bôrnjge a men, ken gôlij̄ sa ôbi lê habré a men.

¹⁵ Perénge sa terare naŋ are kêm ka yi sara hen né. A hena kwôni ré gey aŋga sa terare a nà ba, ken hôn wo ôbi ré gey Ibarna Emen né men.

¹⁶ Wôsa aŋga sa terare a nà ka na: doy aŋga habiŋ ka gawrê gey lê hen men, tu bôriyare men, bê bôô sa ari upé uwôyriŋ yi a men na, hena na ligi Ibarna Emen a ré, niŋba, na aŋga sa terare a nà dī. ¹⁷ Wôsa sa terare men, aŋgaŋ tu bôriyare kare kêm ka yi ya hen a men na, a naŋêji kêm, niŋba, kwôni wo li bô geyé wo Emen ba, ôbi a merê kwôy yôd.

Dénge tu melênê sa yerŋge wô bay kaŋêre Jésu Krist hen

¹⁸ Kamnen, wulê wo sa terare a kerê hen na, baa dā niŋ. Ken toy mega wo ôbi bayi *Krist hen ré a sa. Niŋba, haw hen bay bayi Krist kwône hen ya niŋ, aŋ ôbi a gelé wo Wulê na ré dā niŋ. ¹⁹ Bijié bay ka hen na, hena na perêrni a aŋa ré siji ô hen. Niŋba, bay nà ná kani ré. Hena bay henaŋ ré na kani na, bay henaŋ ré merê naŋ ni. Na ôbi á, bay ré siŋ ôriŋ hen. Niŋba, are bay ka hen yi hen iyôŋ bi nana hôn mega wo bay ré na biŋé kana ré.

²⁰ Niŋba, kwonŋe kenbay ba, Krist béŋge Tini aŋ kenbay kêm ken hôn tu kwôlê. ²¹ Hena ené li magtubu hende to hen béŋge na, na wô wo kené hôn tu kwôlê hen né ré, niŋba, wô wo kené hôn niŋ men, ken hôn mega wo benare ré naŋ bô tu kwôlê a hen.

²² Kwôni woŋ ôbi benare ba, na kwo kôl mega wo Jésu ré na Krist, kwo Emen dôri hen ré. Kwôni wo kaŋ Ibarna Emen naŋ Kemari Jésu na,

ôbi na ôbi bayi *Krist hen. ²³ A hena kwôni wo ré kap Kema Emen ba, ôbi hôn Ibari Emen né men, nijba, hena kwôni ré kôl mega wo Jésu ré na Kema Emen ba, ôbi hôn Ibari Emen men.

²⁴ Kwonje kenbay ba, ken dī bônje yi sa kwôlo na ken toy ca tumô hen. Lênge bi kwôlê bi wo hen yi bônje a men, bi ken gem kwôlê bi wo na ken toy ca tumô hen bônje a a men. A hena kené gem kwôlê bi wo na ken toy ca tumô hen bônje a na, ken bij pôn na Kemari Krist men, na Emen Ibari a men. ²⁵ Kemari bi kôba, na genge dīré béna merê wo na kwini hen.

²⁶ Gel, na kwôli bijné kap bay lamênje bê tôrji a wô mênênje a ené li magtubu bénje kelênje kwôliji hen. ²⁷ Nijba, kenbay ba, Tunu to Krist na bénje hen na, mô bônje a ya. Na sa kibi Tunu hende to yi bônje hen aña kené ôrij doy kwôni wo dāngi ré gelénje ani ré hen. Wôsa Tini hende to hen gelénje are kêmen. Hende geléna tu kwôlê díba, kwôlê wo benare wôni na perê a. Bijnge na Jésu Krist mega wo hende na gelénje hen iyôn.

²⁸ Kamnen kapê, lēnênje tô bijnare tonje a na Jésu Krist a bi Wulê wo ôbi a heran hen na, bi nana hareri ré men, tayre dēna tiri a ré a men. ²⁹ Mega wo ken hôn wo Jésu Krist ré na kwôni wo derôre hen iyôn na, kwôni wo li angan derôre ba, na Kema Emen men.

3

Nana kam Emen

¹ Gelénge peré wo Emen peréna kwôy aṅ uwôgêna kamni hen. Aṅ nana kamni bay tiri a men. Na ôbi á, ßijé ka sa terare a nà ré henêna ré hen, wôsa bay hôn Ibari Emen né. ² Miljên kapê, kwo nana môrij haw hen ba, nana kam Emen nij. Nijba, aṅga a sa sarna ba, nana hôn né tô. Aṅ aṅga pôn ka nana hôn na, wo Wulê wo *Krist a heraj hen na, naa gelij naṅ têt têt wôsa naa geléri Wulê bi wo hen. ³ Ôbi a, kwôni wo ré dī bôri sa Krist a yôd ba, bi li têtij né mega wo Krist bi na kwo séli hen iyôṅ men.

⁴ A hena kwôni ré li têtij na, gel wo ôbi ré ðage na tô to Emen hen. Wôsa têtij na, na ðagê sa tô to Emen. ⁵ Wôsa ken hôn wo Jêsu Krist ré sa sa terare a nà, na wô derê têtij lêrena nijba, ôbi ba, têtij naṅ yiri a. ⁶ Ôbi a, kwôni wo ré bij naṅ dī ba, a lê têtij né. A hena kwôni wo ré li têtij na, gel wo ôbi ré gel Jêsu Krist ré men, ré hōni ré a men.

⁷ Kamnen, ðénge bi ßijé laménge ré. Hena kwôni ré li aṅaṅ derôre ba, ôbi kôba na kwôni woṅ derôre mega wo Jêsu Krist na kwôni woṅ derôre hen iyôṅ men. ⁸ Nijba, kwôni wo li têtij ba, na kwo Sidan wôsa Sidan na ôbi têtij ca wo sa terare na ðij yeṅ. Na ôbi á, Kema Emen ré sa wô ménê ari lêri kêm aṅ hen.

⁹ Ôbi a, kwôni wo ré na kema Emen ba, a lê têtij ré nij yôd, wôsa merê tu geṅ wo Emen biri hen na, yi bôri a. Emen na Ibari dība, ôbi a lê têtij ré nij. ¹⁰ Ôbi wo hen a gelé a bay ré hōnij kam Emen naṅ ka Sidan. Wôsa kwôni wo

li anğan derôre ré men, pur yêni ré a men na, gel wo ôbi ré na kema Emen né.

Kenbay kañ kam Emen perĩnge yerĩge

¹¹ Kwôlo Emen wo na ken toy ca tumô hen kôl iyôn ba: «Geyĩnge yerĩge.» ¹² Diba na bi jé lêrena yi môñ kwo Kayen iyôn né. Ôbi na kema ôbi lê habrê, wôsa ôbi na duu yêni gañ. Nĩba, wô mi a ôbi na ré diri ba? Ôbi na diri wôsa ari lê yêni Abêl na kañ derôre, nĩba, ka Kayen ka na li kêm hen na, na ka habij.

¹³ Yênen, hena bĩné ka sa terare a nà ré kañênge ba, ken bô mega wo ré dê kirij iyôn né. ¹⁴ Wôsa nana hôn wo na nana yi mega kwôni wo ma iyôn, nĩba, haw hen nana mô tu geñ. Nana hôn wôsa nana pur yênerna. Kwôni wo pur yêni ré ba, yi mega ôbi ré ma baa ya iyôn. ¹⁵ A hena kwôni ré kañ yêni yôd ba, ôbi na ôbi deré temare. Añ ken hôn mega wo ôbi deré temare na, gelê wo nañ kwini nañ yiri a. ¹⁶ Jêsu Krist geyéna añ era sa ma wô sarna. Añ geléna peré wo nana perij yênerna. Bi nabay kôba, na ay yerna bijn temare wô sa yênerna men. ¹⁷ A hena kwôni wo ré uwôn are aña ré gel yêni wo anğari kani nañ aña ôbi ré li nañ dĩ ré ba, gel wo ôbi ré gey Emen né. ¹⁸ Kamnen, hena ré na hen iyôn na, na kelênge nañ kebrena nana gey yênerna nañ kwôlo dôri mera ré. Nĩba, na gel wo nana geyji tiri a men, na li nañ ci a men.

Kam Emen a hareri ré

¹⁹ Nana li hen iyôn dema nana henê wo nana na kam Emen wo na tu kwôlê hen. Ôbi a, bôrna

ré kurij tøn kirija nana uwôli. ²⁰ A hena ermé wona ré ulêna kwôlê sarna kôba, Emen dami dê ermé wona men, ôbi hôn are kêma a men. ²¹ Yênen kapê, a hena bôrna ré ulêna kwôlê sarna ré nij ba, gel wo nana hare era sa débé tumô Emen a ré nij. ²² Men, Emen béna are kêma ka nana uwôli hen wô wo nana bi kwôlê sa tô tori a men, nana li anga dôri a men. ²³ Tôo tori hende to hen kôl iyôn ba: «Nana bi bôrna sa hini Jêsu Krist a wo na Kemari hen men, nana perij yerna mega wo Krist na kôl hen iyôn a men.» ²⁴ Kwôni wo bi kwôlê sa tôo tori a na, ôbi na kwo Emen men, Emen kôba, bij nap dî a men. Tini to ôbi béna hen a gelé wo ôbi ré mô nap na.

4

Henê jê lê Tunu to Emen nap to ôbi bare

¹ Yênen kapê, hena kwôni ré era legernge a an kelenge kwôlo dîré kôl hen ré na nap néé wo Tunu na, ken bi bôrnge sara lew ré tô. Nijba, ken kôbe kwôli kelêri bi wo hen dô gel na ba ôbi iyêl na nap Tini Emen na tiri a men ba, dema kené bi bôrnge sara tô. En kôl hen iyôn wôsa bay kibi Emen kap bay benare kwône sa terare a haw hen. ² Geré wo ka hônij kwôni ré ôrij nap Tini Emen a na: hena kwôni ré kôl Jêsu Krist ré yêp môp gawra iyôn an ré era sa terare a nà ná, ôbi ôrij nap Tini Emen. ³ Nijba, hena kwôni ré kôl Jêsu Krist ré yêp môp gawra iyôn ré na, Tini Emen nap yiri a. Nijba, ôbi ôrij nap tini ôbi bare dî. Na ken toy ca tumô mega wo tini ôbi bare bi wo hen ré sa tô, nijba, haw hen hende sa nij.

⁴ Nijba, kamnen kapê, kenbay ba, ken gôlij sa bay kibi Emen kap bay benare bay ka hen nij, wôsa kena kam Emen. Wôsa Tunu to yi yerŋge a hen na, na Tunu to néere damaŋ gôlij to sa terare a nà. ⁵ Wôsa bay kibi Emen kap bay benare bay ka hen na, na gawrê ka sa terare a nà. Na ôbi wo hen aŋa bay ré kôl na kwôli aŋga sa terare a nà aŋ gawrê ka terare a nà dôbe marji toyij kwôli kelêrji bi wo hen. ⁶ Nijba, nabay ba, nana ka Emen. Kwôni wo hôn Emen ba, a toyé kwôlê kebrena nijba, kwo na kema Emen né ba, a toyé kwôlê wona ré. Na hen iyôŋ, nana hônij kwôni wo ôrij naŋ Tunu toŋ tiri hen naŋ kwo ôrij tunu toŋ benare hen men.

Emen gey bi nana perij yerna naŋ bôŋ pôn mega wo ôbi peréna hen iyôŋ men

⁷ Yênen kapê, na perijge yerna naŋ wulê wulê wôsa peré hena na ligi Emen. Wôsa kwôni wo pur Emen men, pur gawrê a men na, ôbi na kema Emen men, ôbi hôn Emen a men. ⁸ Kwôni wo pur Emen né men, pur gawrê ré a men na, ôbi hôn Emen né, wôsa are kê m ka Emen li hen na, ôbi li na naŋ peré. ⁹ Emen joŋ naŋ Kemari wo pôn nêŋ hari hen era sa terare a nà bi ré sa béna nana mô tu geŋ. Na ôbi a gelé peré wo Emen ré peréna hen tu wolé. ¹⁰ Geré peré wo Emen peréna bi a na: na nabay a peré Emen tumô ré, nijba, na ôbi a peréna tumô aŋa ré joŋ naŋ Kemari bi ré sa ma mega aŋgaŋ lê sarga iyôŋ aŋ diré dŋj bôri jalé sa têrij lêrena.

¹¹ Yênen kapê, mega wo Emen peréna hen iyôŋ na, nabay kôba, na perijge yerna hen iyôŋ men.

¹² Wôsa Emen na, kwôni wo giili ba, naɲ tô. A hena nana perij yerna ba, ôbi bij naɲ na men, peré wori bi wo yi bôrna hen na, na peré woɲ tiri a men.

¹³ Na hen iyôn a, nana hôn wo nana bij pôn naɲ Emen men, ôbi kôba, ré bij pôn naɲ na a men sa kibi Tini to ôbi béna hen. ¹⁴ Wôsa nibay kôba nini gel naɲ tirni toni aɲa niné ulênge béréri hen: wo Ibarna Emen né joɲ naɲ Kemari sa terare a nà bi ré sa gôlij naɲ bijé. ¹⁵ Ôbi a, kwôni wo ré kôl Jésu ré na Kema Emen ba, Emen bij naɲ dî men, ôbi kôba, bij naɲ Emen a men. ¹⁶ Nibay ba, nini hôn peré Emen peréni hen aɲ nini bi bôrni sara. Wôsa Emen na ôbi peré kirij. Kwôni wo pur Emen men, pur gawré a men na, ôbi bij naɲ Emen men, Emen kôba, bij naɲ dî a men. ¹⁷ Peré wori bi wo yi bôrna hen, ré na peré woɲ tiri na, Wulê wo ôbi a sa jôrij kwôlê sa bijé ka sa terare a nà hen na, na harê ré wôsa jé lêrena sa terare a nà bij naɲ kwo Jésu. ¹⁸ Wôsa hena kwôni ré hôn wo Emen né piri na, harê a naɲê bôri a. Na wô peré wo Emen pur kirij hen bi aɲa ré dage harê bô kwôni a hen. A hena kwôni ré hare ba, yi môɲ bay réé sa bîri iyôn, wôsa kwôni wo hare na, peré wo Emen piri hen na, ôbi hôn derêri ré.

¹⁹ Na Emen a peréna tumô kap dema nabay nana piri men, perij megêrna a men hen tô. ²⁰ A hena kwôni wo ré kôl dîré pur Emen aɲa ré kap yêni yôd ba, na ôbi benare déɲ iyôn. Hena kwôni ré pur yêni wo ôbi giili naɲ tiri hen né ba, ôbi a lê iyeɲ aɲa ré peré Emen wo ôbi giili

ré hen ba? ²¹ Tôô to Krist béna hen na, kôl iyôn ba: «Kwôni wo pur Emen ba, bi pur yêni a men dem.»

5

Bê bôô wona sa Jésu a a nana ayij joor sa terare a nà hen

¹ Na i i wo bi bôri mega wo Jésu ré na *Krist, kwo Emen dôri hen na, ôbi na kema Emen. A hena kwôni wo ré pur iba kamrê ba, a peré kamni a men. ² Peré wo nana pur Emen men, bê wo nana bi kwôlê sa tôô tori a a men hen na, gel wo nana pur kam Emen men. ³ Hena nana bi kwôlê sa tôô to Emen a na, gel wo nana pur Emen nañ bôô pôn tiri a men. Añ tôô tori hende to hen, na anja a néna ré. ⁴ Wôsa kema Emen wo yôn yôn ba, ôrij nañ néé woñ gôlij anja sa terare a nà. Añ gelê bi wo nana gôlij sa anja sa terare a nà hen na, na sa kibi bê bôô wona sa Jésu Krist a. ⁵ Na i a gôlij sa anja sa terare a nà ba? Na kwo bi bôri sa Jésu ré na Kema Emen hen na, ôbi a gôlij sa anja sa terare a nà.

⁶ Na Jésu Krist wo era sa terare a nà bi. Ôbi eraj nañ kam men, kwôbe a men. Ôbi eraj na nañ kam piniji ré, nijba, ôbi eraj nañ kwôbe a men*. Na Tini Emen a kelêna mega wo kwôlê bi wo hen ré na tiri. Wôsa Tunu hende to hen a na tu kwôlê. ⁷ Wôsa are subu a gelêna mega wo Jésu ré na Kema Emen. ⁸ Anja subu bay a na: Tini Emen men, kam men, kwôbe a men. Are

* **5:6** 5: 6 Kam na, kôl gengij na sa batêm men, kwôbe ba kôl gengij ba sa temay Jésu men.

bay ka subu hen na, kwôlê woji na pôn. ⁹ Hena megêrna gawrê ré kelêna kwôli anğa ciré hôn ba, nana bi bôrna sa kwôlê woji bi wo hen. A hena nana bi bôrna sa kwôlo megêrna kelêna hen iyôn na, kwo Emen kelêna hen na, dê kwoji aɲ tô. Aɲ na Emen bi naɲ yiri a kelêna kwôlo gengiɲ sa Kemari. ¹⁰ Kwôni wo bi bôri sa Kema Emen a ba, a henê sari a mega wo kwôlê bi wo hen ré na tiri. Niɲba, kwôni wo bi bôri sa Emen a ré ba, bô Emen mega ôbi benare iyôn. Wôsa ôbi bi bôri sa kwôlê wo Emen kôl gengiɲ sa Kemari hen né. ¹¹ Kwôlê wo Emen kelêna bi a na: ôbi béna merê tu geɲ wo naɲ kwini aɲ merê tu geɲ bi wo hen na, ôbi béna na naɲ geré wo Kemari. ¹² Wôsa hena kwôni wo ré biɲ naɲ Kemari ba, uwôn merê tu geɲ bi wo hen. A hena ôbi ré biɲ naɲ Kema Emen né ba, a uɲé merê tu geɲ bi wo hen né men.

Gelê wo naɲ kwini

¹³ En li magtubu hende to hen kelênge kwôli are bay ka hen kenbay ka ken bi bôrɲge sa hini Kema Emen a hen, bi kené hôn mega wo kené ôriɲ naɲ merê tu geɲ wo naɲ kwini niɲ. ¹⁴ Hena nana engeriɲ Emen anğa biɲ naɲ bô geyé wori hen na, nana hôn mega wo ôbi ré toy. Ôbi a, kirija nana dɔbu tumôri a ba, naa harê ré hen. ¹⁵ Hena nana hôn mega wo ôbi ré toy uwôlê wona na, nana hôn mega wo ôbi ré béna anğa nana uwôli bay ka hen niɲ a men.

¹⁶ Hena kwôni ré gel yêni li têriɲ to a ôriɲ naɲ dî kibi temare a ré na, bi ôbi uwôl Emen wô sari aɲ Emen a biri merê tu geɲ. En kôl na kwôli biɲé

ka li têriŋ to a ôriŋ naŋ ci kibi temare a ré hen. Wôsa têriŋ to kwôni li ba, nê m temayri hen na, yi ya. Aŋ en kelêŋge na wo kené uwôl Emen wô sa bay lêre têriŋ hende to iyôŋgi hen né. ¹⁷ Aŋga habiŋ kêm ka nana li hen na, na têriŋ tu Emen. Niŋba, têriŋ to a ôriŋ naŋ kwôni kibi temare a ré hen na, yi ya.

¹⁸ Nana hôn wo na i i wo ré na kema Emen ba, ré lê têriŋ ré niŋ. Kema Emen gemni aŋ ôbi lê habré a nê mê gelêri ré niŋ.

¹⁹ Nabay ba, nana hôn wo nana na kami Emen niŋ. Niŋba, sa terare na bô emê wo ôbi lê habré a.

²⁰ Nana hôn wo Kema Emen ré era sa terare a nà aŋ béna tu melênê bi nana hôn niŋ Emen woŋ tiri. Nana ka Emen woŋ tiri bi wo hen wôsa nana biŋ naŋ Kemari Jêsu Krist. Kemari bi a na Emen woŋ tiri men, ôbi a na merê tu geŋ a men.

²¹ Kamnen kapê, dêŋge tu melênê sa yerŋge a wô wo ma kena herê sa ô tibé kamrê hôriŋ.

Magtubu tôô top bijare to kôrbi
Kimré: Magtubu tôô top bijare to kôrbi New
Testament

copyright © 2007 Wycliffe Bible Translators, Inc.

Language: Kimré

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

9dff176-4e78-52cc-9acd-204efe85cf84